

kontuola...

Umeeek berriro ere gelak bete dituzte

Astlehenean, hilak 8, eman zioten hasiera ikasturte berriari

Astlehenean hasi zituzten klaseak herriko eskolakoek. 153 neska-mutil izango dira 97-98 ikasturtean. 17 ume matrikulatu dira aurten eta guztira hamar gela izango dira.

Bi urteko 17 ume hasiko dira ikasturte honetan herriko eskolan. Orain dela urte batzuk kopuru hau txikiagoa zen; zenbait urtetan, 11 edo 12 haur baino ez ziren izan. Azken urteotan, 15-17koa izan da sartu direnen kopurua, herrian jaio edo bizi diren adin horretako ume guztiak matrikulatzen baitira herrian. Honek nolabaiteko ziurtasuna ematen dio eskolari, Antzuolako eskola jaiotze-tasaren arabera osatzen baita.

Derrigorrezko Bigarren Hezkuntza (DBH) ezarri zenetik (96-97 ikasturtean), hamabi urtetik aurrerakoek Bergarara joan behar izaten dute ikasketak jarraitzea. Aurten, 21 umek hasiko dute kurso berria Bergaran. Iaz, eta batez ere gurasoen aldetik, kezka ugari egon zen alda-ketak suposatzen zuenagatik (herria, ikasteko modua, irakasle eta ikaskideak aldatzea...). Pilar Etxaniz herri eskolako irakasleak dioenez, "ikasleek egoera berrira egokitzeko gaitasun handia erakutsi dute, eta ondo erantzun dute; aurten lasaiago doazela esan daiteke, batetik, ez daudelako egoera ezezagun batean eta, bestetik,



Aurten Bergarara joango diren neska-mutikoak.

Bergarako metodologiara gerturatzeko egokitze prozesu bat izan dutelako ikasturtearen azken hiru hilabeteetan".

Hala ere, Antzuolako eskolan 12-14 urte arteko umerik ez egoteak izan du bere eragina; hutsune fisikoaz gain, zenbait ekintzatan eskeintzen zuten laguntzaren falta antzematen delako (Santo Tomaseko feriarekin antolatuta, karnabalen prestaketan...). Gainera, 14 urtera arteko ikasleak izatean, irakasle eta ikasleen arteko harremanak aberatsagoak direla uste dute irakasleek.

80ko hamarkadan hasitako erreforma

Pilar Etxanizen arabera, Hezkuntza Erreformak, orokorrean, ez die ezusteko haundirik eman. "Eskolan, urrats sendoak emanak genituen gero erreformak markatu duen ildotik. Hezkuntza kontutan, inor ez da sekula helmugara ailegatzen, beti dago zeregin berriren bat; horregatik irakasle taldeak formakuntza proiektutan jarraitzen dugu, baina esan daiteke Antzuolako eskolak oinarri sendoak dituela etorkizunari aurre egiteko".



Zurrategi, 4 behea ANTZUOLA Tf. eta faxa 78 71 80

Sukalderako eta
bainurako altzariak
Altzari rustikoetan
espezializatua

Mendirajan eta dantzan egitera

Joan zen domekan ospatu zen aurtengo Finalista Eguna. Arrolak deituta, bazkaltzera zein dantzatzera jende dexente elkartu zen Gaztelugainen. Hala ere, iaz baino jende gutxiago izan zen Trekutzeko zelaian, eguraldiak ez zuen asko lagundu eta. Gaztetxoek zein zaharrenek "aulki jokuan", "pañuelo jokuan" eta sokatiran jardun zuten bazkalostean; eta ondoren, Aitziber eta Ibon Gezalaga anai-arrebek eskainitako dantzaldia aprobetxatuz, sagar dantzan ere aritu ziren bertaratutakoak. Argazkian ageri denez, umorea izan zen nagusi domekan Trekutzen eta, urtero bezela, bertan izandako batzuk kantuan egitera igo ziren Aitziber eta Ibon trikitalariek.



Kontuolaren lehenengo alea

Gaur lehen aldiz kaleratzen den Kontuola aldizkaria herriko etxe gehienetan banatuko da. Horretarako, eta banatzailearen lana errezteko asmoarekin, KONTUOLAREN pegatinak ipiniko dira etxeetako buzoietan. Hamabostero banatuko den Kontuola edo asteroko Berrigara jasotzeko arazorik izanez gero, Kontuolak herriko eskoletan daukan bulegora jo dezakezue, edo 76 65 08 zenbakira deitu dezakezue. Kontatzeko zeozer duenak edo besterik gabe, Kontuola gertutik ezagutu nahi duenak eskoletako lehenengo pisuan dagoen bulegora etorri besterik ez dauka.

Irailak 20-21 Irailak 28

Mendi ibilaldia Pirinioetan

Arrolak Pirinioetarako irteera antolatu du datorren astebururako. "Picos de los Infernos"era joatekotan dira eta mendate horretako hiru tontorrak igotzeko asmoa dute. Zapatuan irtengo dira eta domekara arte ibiliko dira Pirinio aldean. Egutegiaren aurreikusitako gabeko irteera honetan parte hartu nahi duenak Arrolaren lokalean izango du izena emateko aukera datorren astelehenean, hilaren 15ean, arratsaldeko zazpi eta erdietatik aurrera.



Ibardin-Larrun

Ikasturte berriarekin batera, Arrolakoek ere gaztetxoentzako irteerekin hasi dira. Berako Ibardinetik Larrunera eta mango dituzte eskolako haurrak eta bertara joan nahi duten guztiak. Gaztetxoek eskolan bertan eman dezaketen lana, Arrolakoek bertatik pasatzeko asmoa baitute. Edozein modutan, hilaren 22an ere izango da irteera honetarako izena emateko aukera; beti bezela Arrolak bulegoan, arratsaldeko zazpi eta erdietatik aurrera.

Uztailean Pimené mendian izan ziren.

GURE ARTIAN... Antzuolako berab...



Maripi Laskurain

IDOLAZ euskara elkartek egindako lanak jaso du bere fruitua; hemen dugu, azkenean, KONTUOLA. Antzuolako berriak zabaltzeko gertu; herriko gertakizunak, kontu xelebreak, antzinako kontuak jorratzeko gertu.

Irakurleak informatzea eta tarte atsegin bat pasatzen laguntzea da gure erronka. Gure herriko bizitzaren ispilu den

aldizkaritxoa egin nahiko genuen larron gorabeherak, pozak, negar sak eta bestelakoak kontatuz; herriko kari hau gure artian osatuko dugun irretarako aukera ematen baitigu.

Eta nola ez, euskaraz jarduteko antzuolar gehienok berba egin eta tzen dugun euskararen ahalik eta gehienak, oraingoz, berba tzi-, samur eta gustora irakurtzeko karitxoa izan dadin; eta, bide batez, euskaraz irakurtzeko daukagun alpe de batera lagatzen joan gaitzen.



Gabilondo-Arregi
harategia

ABELGORRI-OKELAREN EUSKO LABELA

Kalebarren, 14 ANTZUOLA Tf. 76 62 90

Futbol taldea gertu liga hasteko



Errejonaleko lehen mailako taldea, zapatuan Aixola futbol zelaian.

Denboraldia hasi aurreko bi partiduetan emaitzak aldekoak ez izan arren, errejonaleko lehenengo mailan jokatu duen Antzuolako Kirol Elkar-teak (AKE) gogoz hartu du ligaren hasi-

era. Kanpoan izango da lehenengo erronka Zumaiako taldearen aurka, zapatuan arratsaldeko bostetan.

Izarren ligan baino apalago bada ere, antzuolarrek fitxajeak negoziatzen jardun dute. Aurtengo denboraldian Pako Kabrera izango dute entrenatzaile, Mikel Larrañagak Eibarko taldearekin fitxatu baitu. Jokalari berriak ere egongo dira taldean, jubeniletatik goreneko taldera pasako diren jokalaria hartu dituelako bere kargu Pakok. Gainera, ez dirudi gaizki egingo dutenik, joan zen larunbateko partiduan Urola taldeari sartutako gol bakarra jubeniletan jokatzen zuen Lander Arinek sartu baitzuen.

Hamabost bat lagunez osatuta egongo den talde titularrean 16 urtetik 31 urte arteko jokalaria arituko dira. Berrien freskotasunean eta zaharragoen esperientzian oinarrituko da, beraz, AKEko lehen taldea.

Bestalde, jubenilen liga hasi barik egon arren, hauek ere entrenatzen hasiak dira entrenatzaile berriarekin: Andoni Azkargorta.

Meningitisaren kanpaina

Irailaren 15ean hasiko da Deba Garaian meningitisaren aurkako kanpaina. 18 hilabeteko umeekin hasi eta 20 urtera arteko antzuolarrak sartzen dira txertaketa kanpaina honetan. Gaztetxoek txertaketa eskolan bertan jaso ahal izango dute; baina 12-20 urtera artekoek ambulatortara joan beharko dute datorren astelehenera aurrera. Hala ere, eskolako umeak astelehenean barnetegira joango direnez, astebete beranduago jasoko dute txertoa.

Espejo eta Zuazuko barnetegietara

1. mailatik 3. mailara arteko haurrak Espejoko barnetegira joango dira hilaren 16an. Lehenengo egunean bisitaldia egingo dute Balderejoko parkera eta iluntzean sartuko dira barnetegian, ostiralera arte. Laugarren mailatik 6. mailara artekoek, berriz, Zuazura joateko aukera izango dute. Egun bat lehenago joango dira, 15ean, hain zuzen.

Odol emaleei deia

Lau hilabete behin tokatzen zaie antzuolarrei odola ematea eta datorren asteazkenean, irailaren 17an, izango da aurtengo azken odol bilketa. Antolatzaileek diotenez, jende dexente elkartzten da aldi bakoitzean, gutxi gora behera laurogei bat lagun. Oraingoan ere batezbestekoa betetzea espero dute eta horretarako Kaixon izango dira arratsaldeko seietatik aurrera.


HBren batzarra

HBko mahaikideen aurkako epaiketen inguruan arituko dira azteazkenean, hilak 17, arratsaldeko 8eta, udaletxean.

erabaltzeko gertu

Bukatzeko, mila esker proiektu hau aurrera ateratzen laguntzen diguzuen guztiei; ea ba, benetako herri-aldizkaria izatea lortzen dugun! Horretarako, badakizue nahi duzuen guztietan parte har dezakezuela, kontu interesgarriak zeuentzako gorde beharrean guri kontatuaz edo hamabostean behin egingo ditugun bilertan parte hartuaz, edo beste mila modutara; denon artean, auzolanean, KONTUOLA askoz aberatsagoa eta interesgarriagoa egingo dugu eta.

Zuen zain gaude.



Zabalo Iturgintza S.L. Bidea eginez

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-urreztea
- Bainugelak. Proiektuak momentuan egiten ditugu DIBaren bidez
- Birgaitze-espedituek bideratzen ditugu

Tailerra
Uzarraga bidea, 10
Tf. 78 71 78

Erakusketa
Kalebarren, 1
Tf. 78 71 79
Tf. eta F. 76 64 73

Tomas eta Kontxi

Baserriko produktuak saltzen

Antzuolarren artean ere, dexente zabaldua dago San Martinetako feriara joateko ohitura. Sasoiko fruitu zein barazki freskoak erosteko aukera paregabea izaten dute bertara gerturatzen direnek; horrela uste dute, behinik behin, Bergaran ospatzen den fruitu eta barazki lehiaketako azken urteetako saridunek.

Kontxi Izagirre eta Tomas Larrañaga izango dira San Martinetako feriara joango diren antzuolarrak. Azkenengo urteetan, eurak izan dira herriko produktuak ezagutarazten jardun dutenak. Tomasek dioenez, "oso harre-*ra ona izeten dogu, batez be basarritarrak gutxi garelako, bai hemen eta bai Bergaran; eta gaiñera basarritarrak oso ondo tratatzen gaitue*".

Lapatza baserriko Tomasek azaldu digunez, "nekazaritza ekologikua erakustia izen zan gure asmua gehixen bat, baiña presentau giñanetik irabazten goiatz, sei bat urtian edo"; Kontxi Izagirrek, Bidaurre baserrikoak, berriz, ezin du gogoratu San Martinetako feriaro lehiaketan jasotako sari kopurua; zazpi edo zortzi sari jaso dituztela uste du, baina, hala ere, Kontxi dio "sarixagatik ez gara juten, lagundu egitten dau, baiña sarixagatik bakarrik eztau merezi lan hori hartzeik".

Bi baserriar hauen ustez, San Martinetako feria sasoi nahiko onean ospatzen da; "batzuk, orain bi-hiru urte, Erremu Zapatura aldatu nahi izen zeber ferixia, baiña atzera egin bihar izen ze-



Kontxi Bergarako azokan.

ben, sasoi horretan eztagolako ezer edo ixa ezer erakusteko, ezta saltzeko be "; Tomasek adierazi digunez, noberraren barazkien propaganda egiteko aukera ederra da, jende asko ibiltzen baita eta horrela "ezagutu egitten gaituzte".

Eskaintza zabala eta berezia

Ezagunak dira jadanik Antzuolako baserrietako produktuak Bergaran, baina urtetik urtera, zerbait berria edo ezberdina aurkezten ere saiatzen dira Kontxi eta Tomas. Barazki aldetik, aurtengo uzta oso ona ez izan arren, Lapatzakoak dioenez, 40 produktu ezberdin baino gehiago izango ditu bezeroentzat: eskarolak (lau bat klase), babak (hiru bat mota), kalabaza eskaintza zabala eta aurren oso ederrak hazi diren piper morroiak, italianoak eta lila

kolorekoak. Bidaurrekoa ere bat dator Tomasekin produktu kopuruaren eskasian aurtengo uztan "iaz askoz sagar gehixao egon zan eta meloiak eta sandiak be izen giñutzen". Dena dela, ho-

gei sagar mota izango ditu feriako mahaletan, madari, okan, pikku; mahats, kiwi, brisku, intxaur eta girasol pipa artean, besteak beste.

Aurtengo uzta onenetakoa ez bada ere, Tomasek dioenez "gero gauzak pixkat konpensatzen dira eta geizki irtetzen jatzuna barazki batekin, beste

batzukin ondo irtetzen jatzu". Horrela, Lapatzan pipar morroiak oso haundiak etorri dira eta Bidaurren melokotioiak hazi dira.

Nekazaritza gazteen eskutik

Badira Antzuolan etxeko nekazaritza diharduten gazteak. Haritz eta Iker Irizar, Kontxiren bi semeak, Bergaran izango dira zapatuan bezeroekin tratu. Haritzek dioenez, zahar batzuekin izaten dituzte gora-beherak sagar mota bat edo beste dela eta, "ezagutzen ditue lau edo bost sagar eta pentsatzen dabe eztaola besteik, eta batzui etxakue gustatzen zu gaziagua izenda erak baiño gehixao jakittia". Hala ere, Bergaran izango dira zapatuan euren produktuekin, urteak aurrera joan ahala, produkzioak berak ere aurrera egiten duela erakusteko.

■■■ Oso harrera ona izaten dogu, batez be beserritarrak gutxi garelako ■■■

KONTUOLA Kazetaria: Marijo Deogracias **Erredakzio kontseilua:** Gotzon Iparragirre, Patxi Kortabarria, Jone Larrañaga, Miren Anduaga **Testuen zuzenketak:** Maripi Laskurain, Lierni Legorburu **Telefonoa eta faxa:** 76 65 08, Herri ikastetxea

LARREA

TABERNA

Kale Barren, 17
ANTZUOLA

GOROSTI

Taberna

☎ 76 62 96
Zurrategi Plaza ANTZUOLA

GAILUR
taberna eta
gozotegia



Bustinzuri, 13 ANTZUOLA Tf. 78 70 32